

# A reita Kiribati ma Tiaban, Saint Louis High School ma Oomagari-minami Junior High School

Iroun ana itabon Kiribati Newstar mai aon Tiaban, Kentaro Ono



Kentaro Ono, (maing n te koono i nano ma ataein te Oomagari-minami Junior High School, Tiaban, ao ai ataein Sat Louis High School, Teaoaraereke, n tain ana reitaki ni marooro rinanon te intanete. (Photo: Kentaro Ono)

**SENDAI, Tiaban, 18 Okitobwa 2023** - E tia ni waakinaki te reitaki rinanon te intanete i marenaia ataein Form 2 aika uangaun tabun mwaitiia man St Louis High School, Tarawa Teinainano, ma ataein Form 3 aika uangaun tabun naba mwaitiia man Oomagari-minami Junior High School, Daisen City, i Tiaban, n 12 Okitobwa 2023.

E moan waakinaki te reitaki aei i marenaia ataein reirei aikai n te ririki ae e nako, 2022.

E boboto te reitaki aei ibukin karekean te iraorao, te kaai ni kaotii ao n reirei i aon abaia ma aia kaawa, te katei ao bon kanoan taai aika a na roko aika a miakinna ataei n ikotaki ma Bibitakin Kanoan Boong ake a kateretereaki kakaawakii n ana Kouru Bootakin te Aonnaaba ae e ataaki n arana ae te Sustainable Development Goals (SDGs).

Te reirei ae Oomagari-minami Junior High School, e rangi ni katuruturu ana waaki i aon kakawakin te SDGs are e boboto iai

iaon te reirei ibukin te rikirake ae e tei maan (Education for Sustainable Development).

E boutokaaki te reitaki aei iroun Tiaban Kiribati Association (JAKA), Tohoku

Regional ESD Support Centre ao Conference of Earth Environment from Akita.

## ...Aine bwa taan kairiiri

*Man iteraniba 8*

riai n rabakau aroia n reitaki ma te botanaomata.

E taku temanna kaain te marooro aei mai Tamana ae Nei Urita Uroon, neiere e a tia naba n ira te marooro aei n 2019,

“Ti bon kataningaaki ngaira aine bwa ti na kataia n rin i nanon te nakoia ni kairiiri ao ti na kataia ni mmwakuria te reirei ke te workshop bwa ti na kangaa n riki bwa Taan Tei ke tao ti kan anga arara nakon te nakoia ni

kaauntira.”

E a bon tia Urita ni mwakuria kanoan te marooro are e ira buakona n 2019 ike e a taaketena te Kaauntira n ana abamwakoro bwa e na anga arana ibukin te nakoia ni kaauntira n te tai ae e na roko.

E teimatoa ni kaakaraoa te marooro aei aobitin te Autin Tei are i Ambo ngkana e a uakan tain te rinerine ae e taabangaki i aon Kiribati ibukin rineakiia Taan Tei aika a boou n ikotaki naba ma Kaauntira.

## ...A mamaara ana taanga ni buaka Rutia n taua Avdiivka

*Man iteraniba 9*

E taku te tia kaeti nakon te U.S national security ae Jake Sullivan n te Taabati are e nako bwa e na bon tuatua ana Tau-

taeka Beretitenti Joe Biden nakon ana Autin Tei are mai eta Amerika ae Congress, ibukin buokaia Ukraine ma Iteraera bwaai ni buaka n te mwaiti ae e raka iaon

\$2 te birion booa. A taku ana aobitia Ukraine bwa a teimatoa ngkai ana taanga ni buaka Kyiv ni kaaitaraa ana waakirake Rutia ae e kakamaku i aon nnian

ao tauakin te kaawa ae Avdiivka, te kaawa ae e rangi ni korakora bwain kamanooan aona ao etana. E rangi ni kakaawaki te kaawa aei iroun Ukraine bwa

nnea ana bwai ni buaka ni kamwaeaki nako aona are a na kona ni kamanenaaki ibukin kainaomataan iai Donetsk mai aan ana Tautaeka Rutia.

### セントルイス中学校と大曲南中学校が我が国と日本を結ぶ（18面）

南タラワ市のセントルイス中学校 2 年生 20 名余りと、日本の大仙市にある大曲南中学校の 3 年生同じく 20 名余りが、10 月 12 日にオンライン交流を行った。このオンライン交流は昨年 2022 年に続き 2 回目で、両校学生の相互理解と友好親善を深めるため、それぞれの地域と学校、文化の紹介、そして SDGs として知られる国連の目標にも示されている気候変動への取り組みと、それぞれが望む未来に関して意見交換が行われた。

大曲南中学校は ESD 持続可能な教育を通して SDGs の重要性を学校活動で強調している。

このオンライン交流は日本キリバス協会、東北地方 ESD 活動支援センターと、あきた地球環境会議の協力で実施された。